



Regionalna razvojna agencija REDAH u suradnji sa svojim partnerima Drvnim klasterom Hercegovine i Deutsche Gesellschaft für Internationale Zusammenarbeit (GIZ), upućuje

Javni Poziv

dizajnerima proizvoda od drveta i namještaja iz Bosne i Hercegovine da se uključe u projekat:

“Predstavljanje novih dizajnerskih rješenja u drvnoj industriji na sajmu gospodarstva Mostar 2015”

REDAH, zajedno sa svojim partnerima, želi putem ove aktivnosti da poslovno poveže dizajnere proizvoda od drveta sa naprednim drvopreradaivačima i proizvođačima namještaja u BiH. Ovaj projekat također treba da pomogne bh. drvopreradaivačima da putem usvajanja proizvodnje originalno dizajniranih proizvoda od drveta unaprijede svoju konkurentnost, profitabilnost i ukupnu prodaju, odnosno rast svog poslovanja.

REDAH, zajedno sa svojim partnerima, želi putem ove aktivnosti/projekta da pomogne produkt dizajnerima raznih nivoa iskustava i referenci, kao i studentima produkt dizajna da svoja inovativna rješenja predstave na sajmu gospodarstva Mostar 2015 gdje će se održati podsajamska manifestacija Sajam Drvne industrije i dizajniranih proizvoda kao BH brend kako bi se povezali interesi drvopreradaivača iz BiH sa interesima tržišta.

Sajam će biti isključivo poslovnog karaktera na kojem će izlagati renomirani proizvođači kako u drvnoj tako i u pratećoj industriji (proizvođači strojeva, okova, ploča i dr.) a naši partneri GIZ i resorna Ministarstva će pomoći da sajam posjete i vide renomirani stručnjaci u proizvodnji i prodaji iz zemlje, okruženja i zemalja EU.

Idejna rješenja: Zadatak dizajnera je da izradi dizajn jednog dijela namještaja ili seta namještaja koji će nakon odabira kandidata izraditi prototip zajedno sa proizvođačima namještaja koji zadovoljavaju sljedeće kriterije :

1. Dio namještaja odnosno set namještaja i drugih proizvoda treba da bude izrađen od drveta odnosno drvenog materijala, (razne vrste ploča i furnira), u raznim kombinacijama s aluminijom, kamenom, tekstilom, čelikom i ostalim materijalima koji mogu unaprijediti dizajn proizvoda
2. Dominantni materijali moraju biti vezani uz domaće vrste drveta, a posebno treba dominirati Bosanska bukva koja je pod tim nazivom prepoznatljiva u poslovnom svijetu drveta.
3. Proizvodi moraju zadovoljavati sve eko norme EU i propisane standarde za proizvodnju i izvoz takvih proizvoda
4. Dizajneri zajedno sa odabranim proizvođačima trebaju dostaviti idejno rješenje proizvoda, naziv proizvođača koji će proizvoditi dizajnirani proizvod, vrstu materijala, tip površinske zaštite drveta i navestikvadraturu koja je potrebna za izlaganje prototipa na sajmu.
5. Stručna komisija u sljedećem sastavu : predstavnik REDAH-a, predstavnici svih klastera drveta u B-H i mentor Komisije-predstavnik GIZa, Profesor na Fakultetu za drvene tehnike u Rosenheimu će ocijeniti pristigle radove, izabrati radove koji zadovoljavaju uvjete DIZAJN BH BREND. Za radove odobrene od Komisije potrebno je izraditi prototipove u roku od dva mjeseca od dana obavještanja o rezultatima evaluiranja pristiglih radova.

Opći uvjeti za dizajnere učesnike ovog projekta:

- da imaju iskustva i reference u dizajnu i proizvodnji proizvoda od drveta i/ili namještaja,
- da u svom radu koriste računarske tehnologije, posebno jedan od CAD paketa – prednost Solid Works
- prednost imaju grupe dizajnera formirane od studenata dizajna ili sličnih studija koje će zajedno sa grupom proizvođača napraviti nove proizvode
- prednost imaju kandidati sa poznavanjem zahtjeva ciljnih tržišta, predmetnih tehnologija i sa referencama u multidisciplinarnom timskom radu

Vremenski okvir: Rok za dostavljanje idejnih rješenja, potrebne kvadrature za izlaganje prototipa na Mostarskom sajmu gospodarstva, kao i prateće dokumentacije je **31.01.2015. godine** na adresu: REDAH, Kneza M.V.H. 11, 88000 Mostar

Pogodnosti za dizajnere u okviru projekta: Dizajneri, uključujući i studente, koji budu uključeni u ovaj projekat će imati jedinstvenu šansu da dobiju besplatan prostor za izlaganje svojih proizvoda na sajmu gospodarstva Mostar 2015.